



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Petri De Dusburg, Ordinis Teutonici Sacerdotis, Chronicon  
Prussiae**

**Petrus <de Dusburg>**

**Francofurti ; Lipsiae ; Regiom. Pruss., 1679**

Cap. CCCXV. De Vastatione terrae Crivitiae & expugnatione Civitatis  
parvae Nogardiae.

**urn:nbn:de:hbz:466:1-11850**

Eodem anno circa purificationem B. Virginis idem Fr. Henricus Marschalcus cum omni potentia exercitus sui venit ad territorium Medenikam iterum, & castrum ibidem dictum Sis-diten impugnavit, castrensis ex adverso viriliter se defendentibus, & in hac pugna, quæ diu duravit, de parte Lethovvinorum germanus Masini & XVIII. alii, ceciderunt imperfecti: sed de parte fratrum tres fratres, scilicet, frater Henricus Ruthenus, Fr. Ulricus de Cecinge, & Fr. Rebodo de Ysenburgk; & IV. viri in armis strenui, scilicet Spagerat, Queramde, Waldovv, Michael, & Mindota. Hoc facto cum non proficerent in impugnatione castri, profecti sunt ad territorium ejus, & iterum depopulaverunt per incendium & rapinam.

## CAP. CCCXV.

*De**Vastatione terræ Crivitiæ & expugnatiōne Civitatis parva Nogardia.*

Hoc anno in mense Septembri idem frater Henricus Marschalcus cum omni virtute exercitus sui venit ad terram Crivitiæ, & civitatem illam quæ parva Nogardia dicitur cepit, & funditus destruxit. Et terram circumiacentem rapina & incendio multipliciter molestavit, fixisque ibi tentoriis, ante castrum dictæ civitatis pernoctans, sequenti die ipse & totus exercitus accesserunt ad castrum, & ipsum fortiter impugnaverunt, sic quod ex utraque parte aliqui occisi & plures fuerunt lethali-ter vulnerati. Sed cum in hac impugnatione non proficerent, recesserunt, & dum venirent ad locum ubi custodes ad sarcinas reliquerunt, invenerunt XXX. viros per David Castellanum de Gartha occisos, & mille & quingentos equos, panes, & quicquid

Bbb 3

de



de cibo & rebus aliis ibi deposuerant deductos. Turbati ergo fratres dum venirent ad secundam mansionem, & ibi & de pane & aliis relictis nihil penitus invenirent, processerunt & pluribus diebus fuerunt sine pane, quidam fame invalescente comedebunt equos suos, alii herbas, & radices earum, aliqui mortui fuerunt fame, multi inedia consumpti post redditum defecerunt, reliqui circa finem sextæ hebdomadæ à die quā exierant sunt reversi.

## CAP. CCCXVI.

*De**Impugnatione castri Raganitæ.*

**A**nno Domini MCCGXV. circa assumptionem B. Virginis Lethovini de Samethia cum omni potentia exercitū sui venerunt occultè & improvisè ad castrum Raganitam & impugnaverunt illud, quibus fratres dum occurrerent in bello, non valentes tantæ multitudini resistere, coacti sunt retrocedere; non tamen sine pœnitentia suorum, quia Fr. Joannes dictus Poppe ibi occisus fuit ab infidelibus & plures alii vulnerati. Tandem cum Lethovvini in hac impugnatione non proficerent, calcatis & destructis in agro utriusque castri, scilicet Scolovitarum & Raganitæ, segetibus, recesserunt.

## CAP. CCCXVII.

*De**Obsidione castri Christmemele.*

**E**odem anno mense Septembri Wittenus Rex Lethovino-  
rum, congregatis omnibus de regno suo, qui ad bellum apti  
fuerunt, obsedit Christmemelam & per XVII. dies duabus ma-  
chinis & multis Sagittariis ex omni parte fotissimè impugnavit.  
Fratres autem hoc videntes, ut præcaverent futurum pericu-  
lum,